

自效使者宣上旨褫爵赦死春煦夏長父教毋嫗  
惡枿桀息馮倚慈惠長傲滋慝寃厥狡狠遂乃放  
兵擾境逆我顏行戕我將士於飛練事聞廷臣僉  
曰播徒蟣蝨上不忍爪甲數置之覆用嘍噬此自  
棄天天所廢絕不可宥天子曰然遂以前巡撫遼  
東兵部侍郎李公徃總師事建督府成都總統黔  
楚賜劍一得揮誅大將以下而以都御史郭公撫  
黔都御史支公置幕偏沅以江公徃楚視師咸聽  
於李公已亥五月公至蜀受事當三方積平士恒  
戈剗構懷弗屬公謂以天兵誅小醜當策萬全取  
一決而定於是徵師輓粟內修攻戰具陽示無動